

ერთი მხრივ, საჯარო სამართლის იურიდიული პირი „საზოგადოებრივი მაუწყებელი“ (შემდგომში „შემსყიდველი“), წარმოდგენილი გენერალური დირექტორის გიორგი ბარათაშვილის სახით,

და

მეორე მხრივ, ფიზიკური პირი ბაადურ წულაძე (პირადი №01026002881, პირადობის მოწმ. №დ 0084243) (შემდგომში „მიმწოდებელი“),

„სახელმწიფო შესყიდვების შესახებ“ საქართველოს კანონის მე-10¹ მუხლის მე-3 პუნქტის „ა“ ქვეპუნქტის თანახმად, წინამდებარე ხელშეკრულების საფუძველზე თანხმდებიან შემდეგ ზე:

მუხლი 1. ხელშეკრულების საგანი

წინამდებარე ხელშეკრულების საფუძველზე, შემსყიდველი ყიდულობს მიმწოდებლისგან სსიპ „საზოგადოებრივი მაუწყებლის“ ეთერით ქართული მოკლემეტრაჟიანი მხატვრული ფილმის (შემდგომში – „ფილმი“) – „ფეოლა“ (ფილმების ჩვენებასთან დაკავშირებული მომსახურება, კლასიფიკატორის №92130000) ჩვენების (ერთი ჩვენების და განმეორებით ერთხელ ჩვენების) უფლებას 2015 წლის 9 სექტემბრიდან 2015 წლის 9 ოქტომბრის ჩათვლით.

მუხლი 2. ხელშეკრულების შესრულების კონტროლი

- 2.1. წინამდებარე ხელშეკრულების შესრულების კონტროლს შემსყიდველის მხრიდან ახორციელებს სსიპ „საზოგადოებრივი მაუწყებლის“ კინომიმართულების მენეჯერი ეკა არაბიძე.
- 2.2. წინამდებარე ხელშეკრულების გაფორმებაზე უფლებამოსილი პირი და ასევე ხელშეკრულების შესრულებაზე პასუხისმგებელი პირი, წინამდებარე ხელშეკრულებაზე ხელმოწერით ადასტურებენ, რომ გაცნობილნი არიან „სახელმწიფო შესყიდვების შესახებ“ საქართველოს კანონს და მათი მონაწილეობა შესყიდვის განხორციელების პროცესში არ ეწინააღმდეგება აღნიშნული კანონის მე-8 მუხლის მოთხოვნებს.

მუხლი 3. მხარეთა უფლება-მოვალეობები

- 3.1. შემსყიდველი უფლებამოსილია 2015 წლის 9 სექტემბრიდან 2015 წლის 9 ოქტომბრის ჩათვლით თავისი შეხედულებისამებრ ორჯერ გაუშვას ეთერით ხელშეკრულების პირველ მუხლში მითითებული ფილმი.
- 3.2. შემსყიდველი ვალდებულია მიმწოდებელს გადაუხადოს ხელშეკრულებით გათვალისწინებული თანხა.
- 3.3. მიმწოდებელი უფლებამოსილია:
 - 3.3.1. მოითხოვოს შემსყიდველისაგან წინამდებარე ხელშეკრულებით გათვალისწინებული საზღაურის გადახდა.
 - 3.4. მიმწოდებელი ვალდებულია:
 - 3.4.1. წინამდებარე ხელშეკრულების 1-ლი მუხლით დადგენილი წესით და ვადით შემსყიდველს გადასცეს ჩვენების უფლება ხელშეკრულების 1-ელ მუხლში მითითებულ ფილმზე;
 - 3.4.2. ამ მუხლის 3.1. პუნქტში მითითებულ პერიოდში არ გადასცეს საქართველოს ტერიტორიაზე მდებარე სხვა სამაუწყებლო კომპანიებს უფლება ზემოთ აღნიშნული ფილმის ჩვენებაზე.

მუხლი 4. ხელშეკრულების თანხა და ანაზღაურების პირობები

- 4.1. ხელშეკრულების ღირებულება, ანუ, ფილმის ერთი ჩვენების და განმეორებით ერთხელ ჩვენების ღირებულება შეადგენს 595 (ხუთასოთხმოცდათხუთმეტი) ლარს საშემოსავლო გადასახადის ჩათვლით.
- 4.2. *შემსყიდველი* ვალდებულია ხელშეკრულების 4.1. პუნქტით გათვალისწინებული თანხა *მიმწოდებელს* გადაუხადოს წინამდებარე ხელშეკრულების გაფორმებიდან არაუგვიანეს ერთი თვის ვადაში. თანხის გადახდა მოხდება მიღება-ჩაბარების აქტის საფუძველზე, გადარიცხვით. საგადასახადო აგენტის ფუნქციას ასრულებს *შემსყიდველი*.

მუხლი 5. მხარეთა პასუხისმგებლობა

- 5.1. *მიმწოდებლის* მიერ წინამდებარე ხელშეკრულებით ნაკისრი ვალდებულებების შეუსრულებლობის შემთხვევაში, მას ეკისრება ჯარიმა ხელშეკრულების 4.1. პუნქტით განსაზღვრული თანხის 100%-ის ოდენობით შეუსრულებელი ვალდებულების თითოეული შემთხვევისათვის.
- 5.2. *შემსყიდველის* მიერ *მიმწოდებლისთვის* წინამდებარე ხელშეკრულების 4.1. პუნქტით გათვალისწინებული საზღაურის ხელშეკრულების 4.2. პუნქტით დადგენილ ვადაში გადაუხდელობის შემთხვევაში, *შემსყიდველს* დაეკისრება პირგასამტეხლო შეუსრულებელი ვალდებულების 0,1%-ის ოდენობით გადაგადაცილების ყოველ კალენდარულ დღეზე.

მუხლი 6. ფორს-მაჟორი

- 6.1. მხარეები თავისუფლდებიან პასუხისმგებლობისაგან და სახელშეკრულებო ვალდებულების დადგენილ ვადაში შესრულებისაგან, თუ შეუსრულებლობა ან/და დაგვიანებით შესრულება გამოწვეულია დაუძლეველი ძალით, კერძოდ, ისეთი გარემოებებით, როგორიცაა ომი, საომარი ვითარება, ეკოლოგიური კატასტროფა, ხანძარი და სახელმწიფო ორგანოების მიერ მიღებული აქტები.
- 6.2. წინამდებარე ხელშეკრულებით ნაკისრი ვალდებულებების შესრულება მხარეთა მიერ უნდა განხორციელდეს ფორს-მაჟორული ვითარების დამთავრებისთანავე.

მუხლი 7. დამატებითი პირობები

- 7.1. *მიმწოდებელი* ადასტურებს, რომ ფლობს წინამდებარე ხელშეკრულების 1-ელ მუხლში მითითებული ფილმის ჩვენების უფლების *შემსყიდველისთვის* გადაცემის უფლებამოსილებას.
- 7.2. *მიმწოდებელი* ადასტურებს, რომ წინამდებარე ხელშეკრულებაზე ხელმოწერის მომენტისათვის არ არსებობს მესამე პირებთან იგივე საგანზე დადებული ხელშეკრულებები, რომელთა რეალიზაციაც დააბრკოლებს მისი მხრიდან ამ ხელშეკრულებით გათვალისწინებული ვალდებულებების შესრულებას.
- 7.3. იმ შემთხვევაში, თუ შემდგომში მესამე პირების მიერ გამოთქმული იქნება პრეტენზია ან მოთხოვნები ამ ხელშეკრულებით გათვალისწინებულ უფლებებთან დაკავშირებით, ეს მოთხოვნები და პრეტენზიები არ უნდა გავრცელდეს *შემსყიდველზე*. *მიმწოდებელი* ვალდებულია თავად უზრუნველყოს ამ სადაო ურთიერთობების მოწესრიგება.

მუხლი 8. ხელშეკრულების მოქმედების ვადა

წინამდებარე ხელშეკრულება ძალაში შედის მხარეთა მიერ მისი ხელმოწერის დღიდან და მოქმედებს 2015 წლის 14 ოქტომბრის ჩათვლით.

მუხლი 9. დასკვნითი დებულებები

- 9.1. წინამდებარე ხელშეკრულება შედგენილია ორ თანაბარი იურიდიული ძალის მქონე ეგზემპლარად, რომელთაგან თითო გადაეცემათ მხარეებს.

- 9.2. მხარეები შეეცდებიან ურთიერთმოლაპარაკების საფუძველზე გადაჭრან ხელშეკრულებასთან დაკავშირებული დავები. შეთანხმების მიუღწევლობის შემთხვევაში, დავა განიხილება სასამართლოს მიერ საქართველოს კანონმდებლობის შესაბამისად.
- 9.3. მხარეები თანხმდებიან, რომ ის ურთიერთობანი, რომელიც არ იქნა რეგლამენტირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.
- 9.4. ხელშეკრულებაში ცვლილებებისა და დამატებების შეტანა შესაძლებელია მხარეთა შეთანხმებით წერილობითი ფორმით.

მუხლი 10. მხარეთა რეკვიზიტები და ხელმოწერები

შემსყიდველი

სსიპ „საზოგადოებრივი მაუწყებელი“

მის.: ქ. თბილისი, კოსტავას ქ. №68
საიდენტიფიკაციო კოდი: 204 858 163

რეკვიზიტები:

დაფინანსების წყარო: სახელმწიფო ხაზინა
ხაზინის ერთიანი ანგარიში
კოდი: TRESGE22

გენერალური დირექტორი

გიორგი ბარათაშვილი



მიმწოდებელი

ფიზიკური პირი ბაადურ წულაძე

მის.: ქ. თბილისი, იოსელიანის ქ. №37, ბ. 84

საბანკო რეკვიზიტები:

სს „ლიბერთი ბანკი“
ცენტრალური ფილიალი
ანგარიშის №GE96 LB 0711 1440 0313 5000
ბანკის კოდი: LBRTGE22

ბაადურ წულაძე